

Kitsinligting: NWU Honneursbeursskema 2019

Webadres vir aansoekvorms: <http://studies.nwu.ac.za/af/studies/beurse-en-lenings>

Die doel van die NWU Nagraadse Beursskema is om finansiële ondersteuning te bied aan nagraadse studente en om erkenning te verleen aan studente wat op akademiese gebied presteer. Die NWU nagraadse beursskema is in lyn met die strategiese doelwitte van die Universiteit soos in die Institusionele Plan uiteengesit.

NB: Slegs elektroniese aansoeke

A: NWU Honneursbeurs – Sluitingsdatum: 31 Januarie 2019

Voorwaardes van die beurs:

1. Die beurs is slegs beskikbaar aan studente wat vir 'n eerste, volle voorgeskrewe Honneurs kursuseenheid registreer (nagraadse diplomas en NGOS ingesluit). Studente wat as geleentheidstudente geregistreer is, kwalifiseer nie.
2. Aansoek vir die beurs moet jaarliks op die voorgeskrewe aansoekvorm gedoen word voor of op 31 Januarie 2019.
3. Die beurs geld slegs vir een (1) jaar. Die beurshouer moet die Honneursgraad binne 'n grasietydperk van een (1) jaar voltooi.
4. Studente vanaf ander universiteite moet 'n akademiese rekord aanheg van die voorafgaande kwalifiserende graad.
5. Die student moet as VOLTYDSE Honneursstudent geregistreer wees. Deeltydse studente en werkende studente kwalifiseer nie (werkende studente word omskryf as studente wat vir 'n werkgewer werk, 'n salaris verdien en waarvan werk die hoofaktiwiteit is).
6. Studente wat beurse ontvang van Statutêre Rade, bv. NRF en ander buite instansies mag aansoek doen vir 'n aanvullende Honneursbeurs uit universiteitsfondse aangevul tot en met die maksimum bedrag van R105 000 onderhewig aan die beursbedrae soos onder gespesifiseer. Die Universiteit behou die reg voor om die Honneursbeurs te kanselleer of aan te pas indien die perk van R105 000 oorskry word.
7. Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk voltooi nie.
8. Die Universiteit behou die reg, indien geregverdig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.

Die volgende beurse word toegeken:

R21 500 vir skaars vaardigheidskursusse

Om te kwalifiseer, moet aansoekers 'n minimum gemiddeld van 65% in die finale jaar modules/vakke van die voorafgaande, voltooide graadkursus behaal het. Akademiese rekords van die voorafgaande kwalifiserende graad moet aangeheg word vir berekening van die gemiddeld. Sertifikate alleenlik is nie geldig nie.

Geïdentifiseerde skaars vaardigheidskursusse = BCom en BSc

(Sien BCom nie-skaars uitsonderings by onderstaande tabel)

Aktuariële Wetenskappe	Fisika	Rekeningkunde
Biotegnologie	Inligtingstechnologie	Risikobestuur
Chemiese Wetenskappe	Landbouwetenskappe	Statistiek
Ekonomie	Natuurwetenskappe	Wiskundige Wetenskappe
Elektronika	Rekenaarwetenskappe	

R18 300 vir nie-skaars vaardigheidskursusse

Om te kwalifiseer, moet aansoekers 'n **minimum gemiddeld van 70%** in die finale jaar modules/vakke van die voorafgaande, voltooië graadkursus behaal het. Akademiese rekords van die voorafgaande kwalifiserende graad moet aangeheg word vir berekening van die gemiddeld. Sertifikate alleenlik is nie geldig nie.

Geïdentifiseerde nie-skaars vaardigheidskursusse	
Graad	Vakgebied
BA, BEd, BTh	Alle vakgebiede
BCom	Arbeidsverhoudinge, Bedryfsielkunde, Ekonomie met Bemarking/ Entrepreneurs/ Internasionale Handel /Kommunikasie/ Mensehulpbronbestuur, Regte, Toerisme
Diplomas en Sertifikate	Onderwys, Bestuur, Kernwetenskap en Tegnologie, Ramprisiko

Laat aansoeke sal slegs met 'n skriftelike aanbeveling van die studieleier aanvaar word.

B: NWU Nagraadse Akademiese Merietebeurs – Sluitingsdatum: 30 April 2019

WORD TANS HERSIEN: Sal spoedig gepubliseer word

Die NWU Nagraadse Akademiese Merietebeurs is aanvullend tot alle nagraadse beurse en word op grond van goeie akademiese prestasie toegeken.

1. Die beurs is slegs beskikbaar aan studente wat vir 'n eerste, volle voorgeskrewe nagraadse graadkursus registreer.
2. Die beurs word slegs eenmalig in die eerste jaar van die nagraadse kursus toegeken.
3. Die Akademiese Merietebeurs vir geregistreeerde studente word jaarliks outomaties bereken en toegeken. Akademiese meriete vir studente vanaf ander Universiteite word nie outomaties bereken en toegeken nie en hierdie studente moet vir die beurs op die voorgeskrewe aansoekvorm aansoek doen voor of op die sluitingsdatum soos gespesifiseer.
4. Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk (soos voorgeskryf vir die NWU Honneursbeurs) voltooi nie.
5. Die Universiteit behou die reg, indien geregverdig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.
6. Die beurs word as volg toegeken:
 - 6.1. Om te kwalifiseer, moet aansoekers 'n minimum gemiddeld van 75% in die finale jaar modules/vakke van die voorafgaande voltooië graadkursus behaal het. Akademiese rekords van die voorafgaande kwalifiserende graad word in ag geneem met berekening van die gemiddeld. Sertifikate alleenlik is nie geldig nie.
 - 6.2. Beurshouers moet die nagraadse kursus binne die minimum grasietydperk, soos vasgestel deur die NWU Nagraadse beursskema, voltooi.

Waardes van merietebeurs	
Gemiddeld %	Beurs R
95 - 100	5 000
90 - 94,99	4 500
85 - 89,99	4 000
80 - 84,99	3 500
75 - 79,99	3 000

Laat aansoeke sal slegs met 'n skriftelike aanbeveling van die studieleier aanvaar word.

Dien aansoekvorms so vroeg moontlik in vir tydige verwerking.

Neem Kennis:

- Slegs studente in die **eerste** jaar van die Honneursgraad doen aansoek vir hierdie beurs. Studente moet die akademiese rekord van die voorafgaande kwalifiserende graad aanheg. Sertifikate alleenlik is nie geldig nie.
- Onvolledige aansoekvorms is ongeldig en kan daartoe lei dat dit afgekeur kan word.
- Die NWU-Nagraadse Beurs en Akademiese Merietebeurs is **twee** verskillende beurse.

Rig beursnavrae aan u registrasiekampus: Finansiële Steundienste Kantoor		
<p>Mafikengkampus Kereng Moalusi Tel: 018 389 2349 E-pos: MC-PostGradBurs@nwu.ac.za</p>	<p>Potchefstroomkampus Susan van der Westhuizen Navrae: 018 299 2672/3 E-pos: PUK-PostGradBurs@nwu.ac.za</p>	<p>Vaaldriehoekkampus Monica Mampone Tel: 016 910 3157 E-pos: VC-PostGradBurs@nwu.ac.za</p>
<p>Privaatsak X2046, Mmabatho, 2735 Gebou AF2, Kamer G07</p>	<p>Privaatsak X6001, Potchefstroom, 2520 Gebou F1, Navrae Toonbanke 6-12</p>	<p>Posbus 1174, Vanderbijlpark, 1900 Gebou 24, Beurse</p>